

MALAYSIA
DEWAN NEGARA
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 12 JULAI 2012, PUKUL 10.00 PAGI

Bil. 15

PERTANYAAN-PERTANYAAN BAGI JAWAB LISAN

1. PN-1252-L14954
Tuan Khoo Soo Seang minta **MENTERI PENERANGAN, KOMUNIKASI DAN KEBUDAYAAN** menyatakan langkah-langkah yang boleh diambil oleh pihak Kementerian dalam menangani gejala tuduh-menuduh di alam maya tanpa bukti yang kukuh. Bagaimanakah Kementerian boleh mengimbangi keperluan undang-undang dengan menghormati hak asasi pengguna laman sosial untuk bebas bersuara.

2. PN-1252-L15294
Datuk Raja Ropiaah binti Raja Abdullah minta **MENTERI PELANCONGAN** menyatakan sama ada *masterplan* pelancongan negara telah merangka bagaimana hendak menarik lebih ramai pelancong yang berprestij dan berbelanja tinggi (*high networth tourist*) melalui penyediaan hotel 7 bintang serta destinasi-destinasi dan prasarana pelancongan yang lebih kreatif, menarik, yang dikagumi serta menakjubkan.

3. PN-1252-L14752
Datuk Chiw Tiang Chai minta **MENTERI KEWANGAN** menyatakan sama ada caj premium berdasarkan nilai pembangunan sesebuah projek pembangunan hartanah menjadi faktor kenaikan mendadak harga rumah di bandar-bandar besar.

4. PN-1252-L15032
Tuan Pau Chiong Ung minta **MENTERI PEMBANGUNAN WANITA, KELUARGA DAN MASYARAKAT** menyatakan:-
 - (a) berapakah kes aduan yang diterima terhadap pusat jagaan kanak-kanak harian dan pendidikan kanak-kanak (TASKA) yang tidak berdaftar dengan pihak berkaitan; dan

 - (b) adakah pihak Kementerian akan mengkaji semula syarat-syarat bagi individu atau organisasi yang ingin menubuhkan pusat jagaan kanak-kanak harian dan pendidikan kanak-kanak ini.

5. PN-1252-L15254
Datuk Paul Kong Sing Chu minta **PERDANA MENTERI** menyatakan YAB. Perdana Menteri telah mengumumkan pada awal Jun bahawa Kabinet telah memutuskan pada bulan Februari 2012 untuk menubuhkan Suruhanjaya Siasatan Diraja berkenaan pendatang asing tanpa izin (PATI) dan “projek IC” in Sabah. Bilakah nama pengurus, ahli suruhanjaya dan terma rujukan akan diumumkan.
6. PN-1252-L14866
Dato' Jaspal Singh minta **MENTERI WILAYAH PERSEKUTUAN DAN KESEJAHTERAAN BANDAR** menyatakan langkah-langkah yang telah diambil oleh Kementerian untuk mengawal warga asing yang memiliki perniagaan-perniagaan kecil di sekitar Kuala Lumpur khususnya di kawasan Petaling Street, Lembah Klang dan Brickfields.
7. PN-1252-L15272
Datuk Haji Yunus bin Haji Kurus minta **MENTERI PENERANGAN, KOMUNIKASI DAN KEBUDAYAAN** menyatakan pencapaian Gagasan 1Malaysia dalam usaha menyatukan rakyat pelbagai kaum, keturunan dan suku bangsa di bawah suatu matlamat dan objektif ke arah mewujudkan bangsa Malaysia.
8. PN-1252-L14931
Tuan Lee Cheam Choon minta **MENTERI PENGAJIAN TINGGI** menyatakan PTPTN telah banyak membantu siswazah melanjutkan pendidikan sehingga memperolehi ijazah. Akan tetapi pihak pembangkang telah menyuarakan bantahan mereka dengan memperjuangkan pendidikan percuma di peringkat universiti. Adakah pihak Kerajaan akan merealisasikan perjuangan yang diperjuangkan oleh pihak pembangkang tersebut.
9. PN-1252-L15046
Tuan Mohd. Khalid bin Ahmad minta **MENTERI KERJA RAYA** menyatakan berapa ramai jumlah pekerja asing yang terlibat dalam industri pembinaan negara dan berapa banyakkah pekerja asing telah dapat dikurangkan semenjak pelaksanaan sistem IBS (*Industrialised Building System*) di negara ini.
10. PN-1252-L14844
Tuan Haji Muhamad Yusof bin Husin minta **MENTERI PEMBANGUNAN WANITA, KELUARGA DAN MASYARAKAT** menyatakan apakah keperluan Kerajaan mewujudkan pengkalan data 'Greater Kasih' sedangkan telah pun wujud 'e-Kasih' dan nyatakan jumlah kos pembiayaan pengkalan data baru tersebut.
11. PN-1252-L14932
Dato' Lim Nget Yoon minta **MENTERI PENGAJIAN TINGGI** menyatakan bilangan institusi pengajian tinggi swasta yang menawarkan kursus perubatan sehingga kini. Apakah langkah-langkah diambil oleh Kementerian untuk memastikan kelayakan pensyarah-pensyarah di institusi-institusi ini.

12. PN-1252-L15009
Dato' Haji Abdul Rahman bin Bakar minta **MENTERI PELANCONGAN** menyatakan apakah usaha-usaha Kementerian dalam mempromosikan produk pelancongan kepada orang-orang Islam secara berkesan di kalangan negara-negara Timur Tengah untuk datang ke Malaysia.
13. PN-1252-L14779
Tuan Haji Ahamat @ Ahamad bin Yusop minta **MENTERI WILAYAH PERSEKUTUAN DAN KESEJAHTERAAN BANDAR** menyatakan apakah tindakan Dewan Bandaraya Kuala Lumpur (DBKL) terhadap penjaga parkir yang mengutip caj parking di tempat letak kenderaan awam yang semakin berleluasa hari ini.
14. PN-1252-L14996
Dr. S. Ramakrishnan minta **MENTERI PERDAGANGAN ANTARABANGSA DAN INDUSTRI** menyatakan berapa peratuskah yang telah diagihkan kepada peniaga-peniaga kaum India daripada peruntukan RM180 juta (seperti yang diumumkan oleh YAB. Perdana Menteri) yang diberikan sebagai pinjaman dan jabatan mana yang mengendalikan pengagihan ini.
15. PN-1252-L15172
Dato' Boon Som a/l Inong minta **MENTERI PENERANGAN, KOMUNIKASI DAN KEBUDAYAAN** menyatakan secara terperinci jumlah peruntukan yang diberikan untuk Dana Industri Kreatif Negara sejak dana itu diumumkan dalam Bajet 2010, serta bilangan yang memohon dan berjaya mendapatkan dana berkenaan, berserta jumlah peruntukan yang diluluskan sehingga kini, mengikut pecahan bidang industri. Adakah pemantauan dibuat untuk memastikan peruntukan yang diperoleh itu digunakan secara yang berkesan dengan sesuai matlamat penubuhan dana berkenaan.
16. PN-1252-L14902
Tuan Syed Shahir bin Syed Mohamud minta **MENTERI SUMBER MANUSIA** menyatakan adakah sebarang cadangan untuk memansuhkan had maksimum pampasan sebanyak 24 bulan seperti yang terkandung dalam Jadual Kedua (*Second Schedule*) Akta Perhubungan Perusahaan 1967 dan memberi kuasa kepada Mahkamah Perusahaan untuk menentukannya selaras dengan kehendak Seksyen 30 akta tersebut.
17. PN-1252-L15202
Puan Chew Lee Giok minta **MENTERI PEMBANGUNAN WANITA, KELUARGA DAN MASYARAKAT** menyatakan bagaimana perkhidmatan suntikan percuma imunisasi HPV untuk golongan kaum wanita berumur 18 tahun yang dilaksanakan pada tahun ini.
18. PN-1252-L15213
Dato' Dr. Firdaus bin Haji Abdullah minta **MENTERI PENGAJIAN TINGGI** menyatakan sekiranya Kementerian bermaksud untuk mengadakan semakan semula terhadap dasar pengantarabangsaan IPT dan peraturan penerimaan (kemasukan) pelajar-pelajar asing ke institusi pendidikan kita, memandangkan pelbagai masalah yang ditimbulkan oleh sebahagian pelajar-pelajar berkennaan.

19. PN-1252-L14757
Tuan Haji Abdul Shukor bin Mohd Sultan minta **MENTERI KEWANGAN** menyatakan status perancangan asal oleh Sime Darby bagi membangunkan sebuah pusat R&D teknologi awal di Perlis dalam usaha menyediakan teknologi awal berkualiti baik serta memajukan teknologi awal bagi rantau ini.
20. PN-1252-L14871
Tuan Chiew Lian Keng minta **MENTERI BELIA DAN SUKAN** menyatakan sama ada Kementerian ada mempunyai program melatih pemain remaja badminton dan cara pengambilan permain berpotensi dibuat.
21. PN-1252-L15238
Datuk Hj Saat bin Hj Abu minta **MENTERI TENAGA, TEKNOLOGI HIJAU DAN AIR** menyatakan mengapa peruntukan RM380,000,000 (tiga ratus lapan puluh juta sahaja) bagi tempoh 3 tahun, dan bagi proses naik taraf bekalan air di negeri Melaka dalam tempoh 2007 hingga 2012 (5 tahun) hanya baru dibelanjakan RM63,000.000 (enam puluh tiga juta).
22. PN-1252-L15169
Puan S. Bagiam a/p Ayem Perumal minta **MENTERI DALAM NEGERI** menyatakan berapakah jumlah penagih dadah yang kini ditahan di pusat serenti mengikut kaum, jantina dan apakah program pemulihan Kerajaan ini dilihat memberi manfaat kepada penagih serta apakah peratus mengikut kaum penagih tegar atau "*repeat offender*".
23. PN-1252-L15229
Dato' Mohammed Najeeb bin Abdullah minta **PERDANA MENTERI** menyatakan apakah Kerajaan bercadang memberi durian runtuh kepada bekas peneroka FELDA yang tanah hak milik mereka telah dimajukan untuk pembangunan, seperti di LBJ dan Sendayan, Negeri Sembilan. Mereka telah menjadi peneroka selama lebih 35 tahun dan turut menyumbang ke arah kejayaan FELDA sebagai konglemerat kini.
24. PN-1252-L15127
Dr. Syed Husin Ali minta **MENTERI KEWANGAN** menyatakan daripada jumlah kira-kira RM1 trilion yang mengalir keluar secara haram dalam tempoh sepuluh tahun lalu, dan berapa banyakkah yang keluar sejak tahun 2005 hingga suku pertama 2012.
25. PN-1252-L15293
Datuk Maijol bin Mahap minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan adakah Kerajaan bercadang untuk mengembangkan aplikasi *Registration of Business Act 1956* ke Sabah.
26. PN-1252-L14862
Dato' Jaspal Singh minta **MENTERI PENGAJIAN TINGGI** menyatakan bilangan lepasan SPM dan STPM yang telah mendapat tempat di IPTA dan Politeknik mengikut kursus dan pecahan bangsa bagi tahun 2012.

27. PN-1252-L14938
Dato' Lim Nget Yoon minta **MENTERI KESIHATAN** menyatakan bilangan orang yang ditangkap dan dihukum oleh mahkamah kerana merokok di kawasan-kawasan larangan merokok sehingga kini.
28. PN-1252-L14960
Tuan Khoo Soo Seang minta **MENTERI PELAJARAN** menyatakan apakah langkah-langkah yang diambil oleh Kementerian untuk memastikan bahawa masalah kekurangan guru di semua jenis dan aliran sekolah rendah dan menengah boleh diatasi menjelang tahun 2016. Apakah langkah-langkah jangka pendek dan panjang itu.
29. PN-1252-L15021
Dato' Haji Abdul Rahman bin Bakar minta **MENTERI BELIA DAN SUKAN** menyatakan setakat manakah sambutan yang diterima terhadap cadangan penubuhan Parlimen Belia. Apakah kriteria pemilihan ahli-ahli Dewan Belia itu dan apakah ia mengambil kira komposisi kaum.
30. PN-1252-L15057
Puan Hajah Mariany binti Mohammad Yit minta **PERDANA MENTERI** menyatakan status terkini dan data terperinci daripada segi nilai kontrak, bilangan pekerja (profesional, mahir dan separuh mahir Bumiputera) yang terlibat dalam projek-projek Mega Economic Tranformation Plan seperti Greater Kuala, MRT Klang Valley, Projek RAPID Penggerang Johor dan bagaimanakah Kerajaan membimbing serta menjuruskan penyertaan usahawan kecil dan sederhana (SME) mendapat faedah-faedah langsung daripada projek-projek ini.
31. PN-1252-L14838
Tuan Haji Muhamad Yusof bin Husin minta **MENTERI SUMBER MANUSIA** menyatakan apakah keperluan 100,000 tenaga pembantu rumah dari Indonesia telah diatasi dan sejauh manakah hasil kajian untuk menggunakan rakyat tempatan sebagai Pengurus Kediaman.
32. PN-1252-L15230
Dato' Mohammed Najeeb bin Abdullah minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan kejayaan perniagaan secara francais setakat ini dan sumbangan industri ini kepada KDNK negara. Berapakah bilangan francisor domestik yang telah berjaya dilahirkan dan apakah usaha Kementerian bagi mengembangkan sektor ini.
33. PN-1252-L14791
Datuk Chin Su Phin minta **MENTERI KEWANGAN** menyatakan bilakah kali terakhir 3 jenis cukai kereta iaitu cukai import, cukai eksais dan cukai jualan ini dikaji semula, dan adakah Kerajaan bersetuju terdapat keperluan untuk mengurangkan cukai ini demi membantu rakyat Malaysia dalam menyerap kos sara hidup yang semakin tinggi.
34. PN-1252-L14879
Puan Hajah Noriah binti Mahat minta **MENTERI BELIA DAN SUKAN** menyatakan langkah-langkah yang diambil dalam meningkatkan peranan dan sumbangan belia dalam pembangunan negara.

35. PN-1252-L15139
Dr. Syed Husin Ali minta **MENTERI PELAJARAN** menyatakan keadaan guru-guru sekarang yang turut terbeban dengan kerja-kerja sumber manusia dan mengikut statistik, adakah kerja tersebut mempengaruhi prestasi para guru.
36. PN-1252-L15347
Tuan Saiful Izham bin Ramli minta **PERDANA MENTERI** menyatakan tentang rancangan Kerajaan menambah peruntukan pembangunan di setiap kawasan parlimen di seluruh negara, kaedah penyampaian peruntukan tersebut serta jumlah keseluruhan yang akan dilibatkan di dalam perancangan yang diumumkan baru-baru ini.
37. PN-1252-L15081
Puan Hajah Rohani binti Abdullah minta **MENTERI BELIA DAN SUKAN** menyatakan sejauh manakah Kementerian menyediakan pembiayaan dan sokongan kepada organisasi sukan dan rekreasi dalam usaha mempromosikan gaya hidup dan persekitaran sihat.
38. PN-1252-L14977
Dato' Dr. Johari bin Mat minta **MENTERI PELAJARAN** menyatakan apakah rasional Kementerian mewajibkan mata pelajaran Sejarah kepada semua pelajar dan wajib lulus dalam peperiksaan SPM pada tahun 2013. Bilakah pula Kementerian akan mewajibkan mata pelajaran Islam kepada pelajar Muslim.
39. PN-1252-L15053
Tuan Mohd. Khalid bin Ahmad minta **MENTERI KESIHATAN** menyatakan adakah Kementerian akan mengenakan lesen untuk salun kecantikan yang menyediakan perkhidmatan menyedut lemak (*liposuction*), mengempis perut (*tummy tucks*), pembedahan sekitar mata (*eye bag surgery*), suntikan botox (*botox injections*) dan lain-lain pembedahan yang menggunakan bahan kimia berbahaya di salun.
40. PN-1252-T14803
Datuk Chin Su Phin minta **MENTERI PERDAGANGAN ANTARABANGSA DAN INDUSTRI** menyatakan FDI yang diterima bagi negara-negara ASEAN dari tahun 2009 hingga 2011 dan kita berada di kedudukan berapa dan apakah antara usaha Kementerian dalam memastikan kita dapat menyaingi negara-negara ini.
41. PN-1252-L15322
Tuan Lihan Jok minta **MENTERI KEMAJUAN LUAR BANDAR DAN WILAYAH** menyatakan status penyelenggaraan jalan-jalan pembalakan yang telah menghubungkan kampung-kampung di Hulu Sungai Baram Sarawak yang telah diluluskan oleh Kerajaan Persekutuan.
42. PN-1252-L15035
Tuan Pau Chiong Ung minta **MENTERI SUMBER MANUSIA** menyatakan:-
(a) setakat manakah penguatkuasaan penyelarasian gaji minima di seluruh negara sehingga kini dan berapakah syarikat swasta yang telah menguatkuasakan penyelarasian gaji minimum; dan

- (b) apakah tindakan yang akan diambil ke atas syarikat yang gagal melaksanakan penyelarasan gaji minimum ini.
43. PN-1252-L15164
Puan S. Bagiam a/p Ayem Perumal minta **MENTERI PERTANIAN DAN INDUSTRI ASAS TANI** menyatakan apakah bantuan serta kemudahan yang disediakan dalam memperkasakan industri pertanian negara dalam mengembeling tenaga mahir terutama dari kalangan belia-belia India yang tercicir daripada alam persekolahan.
44. PN-1252-L14990
Dr. S. Ramakrishnan minta **MENTERI DALAM NEGERI** menyatakan statistik mat rempit yang ditangkap kerana terlibat dengan perlumbaan haram dan gejala sosial yang lain mengikut jantina dan kaum serta apakah punca yang menyebabkan mat rempit dan termasuk juga minah rempit menjadi semakin liar dan sukar dikawal kini.
45. PN-1252-L14984
Dr. S. Ramakrishnan minta **MENTERI PELANCONGAN** menyatakan adakah Kementerian ada menyiasat mengenai punca kegagalan 24 syarikat yang dilabur oleh PEMPENA Sdn. Bhd. (anak syarikat Lembaga Penggalakan Pelancongan Malaysia) dengan nilai keseluruhan sebanyak RM54 juta sejak tahun 2008.
46. PN-1252-L14773
Tuan Haji Ahamat @ Ahamad bin Yusop minta **PERDANA MENTERI** menyatakan prestasi Tabung Haji bagi tahun 2011 dan separuh penggal 2012 daripada segi pencapaian pelaburan aset, perladangan, harta tanah serta pegangan saham termasuk pelaburan dalam dan luar negara.
47. PN-1252-L14746
Datuk Chiw Tiang Chai minta **MENTERI DALAM NEGERI** menyatakan lambakan wanita warga asing yang bekerja sebagai GRO yang jelas menyalahgunakan pas lawatan sosial yang semakin meruncing dan sekali gus mengancam ketenteraman negara.
48. PN-1252-L14832
Tuan Haji Muhamad Yusof bin Husin minta **MENTERI KEWANGAN** menyatakan sehingga kini berapakah kes kehilangan wang dalam akaun bank atau institusi kewangan yang semakin meningkat dan apakah tindakan Kerajaan untuk membanteras kejadian ini.
49. PN-1252-L14861
Tuan Chiew Lian Keng minta **MENTERI PENGANGKUTAN** menyatakan sama ada Menteri Besar dan Exco-exco Negeri Perak di bawah Kerajaan Pakatan Rakyat pada tahun 2008 dan 2009 ada menyertai proses pembidaan harga nombor pendaftaran untuk kereta-kereta Kerajaan Negeri dan apakah harga dan nombornya.

50. PN-1252-L15260
Datuk Paul Kong Sing Chu minta **MENTERI PENGAJIAN TINGGI** menyatakan berkenaan pinjaman PTPTN, nyatakan butiran berkenaan jumlah pelajar yang telah diberikan kemudahan pinjaman ini, pecahannya mengikut bangsa dan berapa ramai daripada mereka yang telah tidak membayar pinjaman mereka, jumlah yang terlibat dan apakah tindakan yang diambil untuk mendapatkan bayaran balik pinjaman tersebut.
51. PN-1252-L15133
Dr. Syed Husin Ali minta **MENTERI DALAM NEGERI** menyatakan secara khusus apakah ciri atau kriteria yang digunakan bagi memutuskan sesebuah buku atau karya diharamkan daripada dicetak dan dijual.
52. PN-1252-L15082
Puan Hajah Rohani binti Abdullah minta **MENTERI KEMAJUAN LUAR BANDAR DAN WILAYAH** menyatakan adakah MARA bercadang untuk menambah tajaan kepada pelajar Bumiputera yang cemerlang ke luar negara memandangkan bilangan pelajar Bumiputera yang mendapat kelulusan yang cemerlang khususnya dalam Sijil Pelajaran Malaysia (SPM) terus meningkat sedangkan peluang untuk mendapatkan tajaan semakin kompetitif.
53. PN-1252-L14943
Tuan Lee Cheam Choon minta **MENTERI KESIHATAN** menyatakan pihak pembangkang telah menimbulkan isu kekurangan ubat di kebanyakan hospital dan klinik Kerajaan. Adakah ini merupakan satu realiti dan bagaimana pihak Kementerian dapat mengatasi masalah kekurangan ubat ini supaya rakyat tidak akan berasa bimbang dan risau akan masalah ini.
54. PN-1252-L14971
Dato' Dr. Johari bin Mat minta **PERDANA MENTERI** menyatakan apakah langkah-langkah dan persediaan yang dibuat oleh Kerajaan bagi membendung perbuatan rasuah dalam Pilihan Raya Umum ke-13 yang dijangka meningkat.
55. PN-1252-L15304
Datuk Raja Ropiaah binti Raja Abdullah minta **MENTERI DALAM NEGERI** menyatakan kebelakangan ini di negara kita sering berlaku gangguan keamanan yang dicetuskan oleh rakyat asing serta aktiviti penipuan (*money laundering*) dan pelacuran oleh pendatang dan rakyat asing. Mengapa pendatang asing ini tidak dikawal dan dipantau dengan teliti kemasukannya ke dalam negara kita dan apakah langkah-langkah yang perlu diambil oleh Kerajaan untuk mengurangkan gejala buruk ini daripada berterusan dan mengganggu ketenteraman awam serta menimbulkan banyak masalah sosial.
56. PN-1252-L15284
Datuk Raja Ropiaah binti Raja Abdullah minta **MENTERI PERTAHANAN** menyatakan:-
- (a) jumlah pusat PLKN yang telah dibina dan beroperasi dan adakah perancangan untuk membina yang baru. Berapa ramaikah yang telah dilatih setakat ini dan adakah program latihan PLKN ini mencapai matlamat perwujudannya; dan

- (b) kajian keberkesanan latihan yang dilalui oleh pelatih PLKN dengan penerapan jati diri, cinta dan taat kepada negara dan pelatih yang bertuah ini mempunyai peluang untuk lebih berjaya dalam hidup setelah melalui latihan membina sistem insan yang berkualiti.
57. PN-1252-L15334
Puan Roslin binti Haji Abdul Rahman minta **MENTERI KEMAJUAN LUAR BANDAR DAN WILAYAH** menyatakan memandangkan bahawa kebanyakan tanah FELCRA juga kita mempunyai deposit bahan mineral seperti emas, bauksit dan bijih besi, maka tiadakah FELCRA ingin mengeksplorasi aktiviti yang menguntungkan ini. Selain itu, strategi *blue ocean*, tiadakah FELCRA mempunyai perancangan untuk menebus guna tanah bekas Lombong bagi tujuan penanaman Sawit di tanah milik individu atau anak syarikat kerajaan negeri
58. PN-1252-L15195
Puan Chew Lee Giok minta **MENTERI DALAM NEGERI** menyatakan peratusan warga Malaysia yang bukan beragama Islam berumur 30 ke atas yang telah kahwin dan belum kahwin, berapa kes kahwin yang pasangannya orang asing (pengantin import) mengikut kaum.
59. PN-1252-L15103
Tuan Subramaniam a/l Veruthasalam minta **MENTERI PELAJARAN** menyatakan senarai pelajar berketurunan India yang diberi tempat matrikulasi pada tahun ini, berdasarkan institusi yang ditawarkan, kursus yang ditawarkan dan keputusan peperiksaan SPM pelajar tersebut.
60. PN-1252-L15080
Puan Hajah Rohani binti Abdullah minta **MENTERI PENGAJIAN TINGGI** menyatakan sejauh manakah keberkesanan Program Khidmat Bakti Siswa semasa cuti semester anjuran Institusi Pengajian Tinggi (IPT) mampu mendidik siswa sebagai pemimpin masa hadapan yang bertanggungjawab.
61. PN-1252-L14815
Dato' Syed Ibrahim bin Kader minta **MENTERI PENERANGAN, KOMUNIKASI DAN KEBUDAYAAN** menyatakan beberapa tahun lepas Kerajaan ada mengumumkan untuk membina perpustakaan baru di seluruh negara terutamanya di kawasan luar bandar. Apakah status pelaksanaan tersebut dan bilangan yang telah dibina setakat ini. Apakah langkah-langkah yang diambil oleh kementerian untuk meningkatkan minat membaca di kalangan rakyat.
62. PN-1252-L15219
Dato' Dr. Firdaus bin Haji Abdullah minta **MENTERI PELAJARAN** menyatakan kenapa semakan semula kurikulum Sejarah dalam sistem persekolahan kita memakan masa yang terlalu lama.
63. PN-1252-L15186
Puan Chew Lee Giok minta **MENTERI PENGAJIAN TINGGI** menyatakan apakah tindakan yang diambil terhadap IPTS yang menyeleweng daripada segi pengambilan pelajar-pelajar luar negara.

64. PN-1252-L14916
Tuan Baharudin bin Abu Bakar minta **MENTERI LUAR NEGERI** menyatakan apakah langkah dan tindakan yang diambil oleh pihak Kerajaan terhadap rakyat Malaysia yang sering memburukkan imej Malaysia di luar negara.
65. PN-1252-L15353
Tuan Saiful Izham bin Ramli minta **PERDANA MENTERI** menyatakan menyenaraikan jumlah kes yang didakwa oleh SPRM yang melibatkan kakitangan awam serta anggota perundangan eksekutif di negeri-negeri Selangor, Pulau Pinang, Kedah dan Kelantan sejak tahun 2008 serta berapakah daripadanya yang melibatkan sabitan terhadap pendakwaan tersebut.
66. PN-1252-L15178
Dato' Boon Som a/l Inong minta **MENTERI LUAR NEGERI** menyatakan berapa banyakkah bantuan yang disalurkan kepada negara asing yang mengalami bencana alam sepanjang lima tahun lalu. Adakah Kerajaan bercadang menubuhkan sebuah pusat bagi menyelaraskan semua bantuan yang dihulurkan oleh rakyat Malaysia untuk bantuan ke luar negara.
67. PN-1252-L15015
Dato' Haji Abdul Rahman bin Bakar minta **MENTERI DALAM NEGERI** menyatakan adakah Kementerian akan mengkaji semula berat minimum dadah yang dibawa secara salah oleh seseorang individu. Apakah Kerajaan setakat ini merasakan hukuman-hukuman terhadap kesalahan berdasarkan Akta Dadah Berbahaya 1952 cukup berkesan untuk dikenakan hukuman.
68. PN-1252-L14925
Tuan Baharudin bin Abu Bakar minta **MENTERI KEWANGAN** menyatakan mengenai pembangunan kawasan sekitar Stadium Negara dan Stadium Merdeka serta cadangan membina Menara Wawasan. Apakah status sebenar projek tersebut dan bilakah projek tersebut akan dilaksanakan.
69. PN-1252-L15222
Dato' Dr. Firdaus bin Haji Abdullah minta **MENTERI PELAJARAN** menyatakan memberi jaminan bahawa kajian semula pendidikan negara sekarang tidak akan mewujudkan semula sekolah aliran Inggeris, manakala Bahasa Melayu sebagai bahasa pengantar utama akan terus ditingkatkan dan diperluas penggunaannya di Sekolah-sekolah Jenis Kebangsaan (SJK) dan IPT, termasuk IPTS.
70. PN-1252-L14821
Dato' Syed Ibrahim bin Kader minta **PERDANA MENTERI** menyatakan YAB. Perdana Menteri telah merancang serta melaksanakan pelbagai program transformasi Kerajaan seperti ETP, GTP dan sebagainya. Jelaskan peratus pelaksanaan mengikut pelan transformasi tersebut sehingga hari ini.

71. PN-1252-L14809
Dato' Syed Ibrahim bin Kader minta **MENTERI TENAGA, TEKNOLOGI HIJAU DAN AIR** menyatakan berapakah subsidi yang diberi oleh Kerajaan kepada Tenaga Nasional Berhad bagi tahun 2011. Apakah langkah-langkah yang diambil oleh Kerajaan dalam usaha memberi kesedaran kepada rakyat berkenaan subsidi yang ditanggung oleh Kerajaan bagi meringankan beban yang ditanggung oleh pengguna.
72. PN-1252-L15340
Puan Roslin binti Haji Abdul Rahman minta **MENTERI PELAJARAN** menyatakan memandangkan pendidikan negara menghadapi pelbagai cabaran di alaf ini dan dialog-dialog seperti Dialog Nasional Pendidikan Negara 2012 menjadi sumber idea-idea baru, maka adakah pihak Kementerian membuat senarai cadangan yang dipersetujui sehingga kini hasil daripada dialog tersebut yang begitu aktif dan dinamik dan jika ada, adakah ia diwartakan sebagai hala tuju pendidikan negara.
73. PN-1252-L15315
Puan Hajah Dayang Madinah binti Tun Abang Haji Openg minta **PERDANA MENTERI** menyatakan daripada jumlah terkini 16,379 kes muflis yang telah diisyiharkan di seluruh Malaysia, berapakah nisbah kes yang berlaku di Sarawak.
74. PN-1252-L14914
Puan Norliza binti Abdul Rahim minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan berapakah bilangan koperasi yang wujud di Malaysia dan bilangan yang aktif.
75. PN-1252-L14948
Tuan Khoo Soo Seang minta **MENTERI PENGANGKUTAN** menyatakan langkah-langkah yang akan diambil, selain daripada projek MRT, untuk mengurangkan kesesakan jalan raya terutamanya di Lembah Klang dan Johor Bahru.
76. PN-1252-L14909
Puan Norliza binti Abdul Rahim minta **PERDANA MENTERI** menyatakan apakah langkah-langkah Kementerian dalam memastikan GDP masih dapat dikekalkan walaupun permintaan terhadap sektor pembuatan seperti elektronik berkurangan.
77. PN-1252-L15108
Dato' Muhammad Olian b Abdullah minta **MENTERI PENGANGKUTAN** menyatakan isu keselamatan landasan dan jambatan aero seperti yang dibangkitkan oleh AirAsia Berhad.
78. PN-1252-L15155
Dato' Boon Som a/l Inong minta **MENTERI SAINS, TEKNOLOGI DAN INOVASI** menyatakan mengenai perkembangan terkini dan prestasi Koridor Raya Multimedia (MSC) dalam bidang teknologi maklumat dan komunikasi. Berapakah pendapatan yang dijana oleh negara serta peluang pekerjaan yang disediakan menerusi pembinaan MSC.

79. PN-1252-L15119
Dato' Abdul Rahim bin Abdul Rahman minta **PERDANA MENTERI** menyatakan bagaimanakah pihak Kementerian akan memantau sikap segelintir pemandu teksi di Kuala Lumpur yang tidak menggunakan meter dan seterusnya mengenakan tambang yang tidak munasabah terutamanya terhadap pelancong-pelancong antar bangsa di Kuala Lumpur.
80. PN-1252-L15248
Datuk Paul Kong Sing Chu minta **MENTERI LUAR NEGERI** menyatakan ketika ini terdapat pejabat Konsulat China di Kuching yang memberikan perkhidmatan untuk Sabah dan Sarawak. Adakah Kerajaan mempunyai sebarang rancangan untuk membenarkan China membuka konsulatnya di Kota Kinabalu. Jika tiada rancangan sedemikian, sama ada pihak Kerajaan menggalakkan China untuk memindahkan lokasi konsulatnya dari Kuching ke Kota Kinabalu yang secara geografinya terletak di Malaysia Timur.
81. PN-1252-L15040
Tuan Mohd. Khalid bin Ahmad minta **MENTERI KEWANGAN** menyatakan apakah tindakan-tindakan yang diambil oleh Kerajaan terhadap pihak-pihak yang membuat penghantaran wang secara haram melalui sistem 'hawala' dari Malaysia iaitu setelah Money Services Business Act 2011 berkuat kuasa.
82. PN-1252-L15152
Datuk Kadzim M. Yahya minta **PERDANA MENTERI** menyatakan adakah Kementerian membuat kajian ke atas pendatang asing yang tidak mempunyai dokumen sah yang berada di negeri Sabah sama ada mereka ini telah menyeludup masuk ke Sabah dengan sendiri atau mereka ini pernah diambil bekerja oleh syarikat-syarikat pembinaan atau perladangan dengan pas kerja secara sah tetapi setelah tamat tempoh pas kerja mereka, majikan bukan sahaja tidak lagi memperbarahuinya tetapi tidak juga menghantar mereka membawa diri di Sabah.

ATURAN URUSAN MESYUARAT DAN USUL-USUL

			Bacaan Kali Yang Kedua
1.	(D.R. 25/2012)	Rang Undang-undang Pelindung (Pindaan) 2012	
		[Menteri Perdagangan Antarabangsa dan Industri]	
2.	(D.R. 24/2012)	Rang Undang-undang Perubatan (Pindaan) 2012	“
		[Menteri Kesihatan]	
3.	(D.R. 19/2012)	Rang Undang-undang Kualiti Alam Sekeliling (Pindaan) 2012	“
		[Menteri Sumber Asli dan Alam Sekitar]	
4.	(D.R. 26/2012)	Rang Undang-undang Umur Persaraan Minimum 2012	“
		[Menteri Sumber Manusia]	
5.	(D.R. 29/2012)	Rang Undang-undang Pengangkutan Jalan (Pindaan) 2012	“
		[Menteri Pengangkutan]	
6.	(D.R. 28/2012)	Rang Undang-undang Francais (Pindaan) 2012	“
		[Menteri Perdagangan Dalam Negeri, Koperasi dan Kepenggunaan]	
7.	PN-1252-U15026		
	Dato' Haji Abdul Rahman bin Bakar	akan mencadangkan:-	
		"Bahawa Dewan ini mendesak Kerajaan supaya mengambil pendekatan yang sesuai agar ajaran anutan Syiah tidak menular dan merebak di kalangan orang-orang Islam di negara kita kerana ada fakta menyebut terdapat 200 juta pengikut Syiah di seluruh dunia. Di negara kita, anutan Syiah sedang berkembang. Tanpa mengambil suatu tindakan yang cekap dan berkesan oleh pihak Jabatan Perdana Menteri melalui JAKIM, penyebaran ajaran ini akan menyebabkan umat Islam negara kita yang mengamalkan ajaran Sunnah Waljamaah akan terpesong. Justeru, apakah usaha yang dilakukan JAKIM memadai selama ini dari segi penguatkuasaannya. Jika ya, nyatakan usaha berkenaan. Jika tidak, apakah Kerajaan merasakan perkara ini di dalam pemantuan dan tidak memudaratkan ummah Islam di Malaysia."	
		[Menteri di Jabatan Perdana Menteri]	

8. PN-1252-U15027

Dato' Haji Abdul Rahman bin Bakar akan mencadangkan:-

"Bahawa Dewan ini menyarankan agar Kerajaan melaksanakan BR1M II seeloknya pada sebelum tahun baharu 2013 sebagai persiapan kepada persekolahan anak-anak dan sambutan tahun baru. Ini adalah usaha mapan Kerajaan ke arah membela nasib golongan yang berpendapatan kurang daripada RM3000 sebulan. Sesungguhnya, BR1M I telah memberi imbuhan langsung kepada golongan masyarakat berpendapatan rendah dan rata-rata rakyat cukup berterima kasih kepada Kerajaan. Melihat kepada kesan daripada BR1M I, jika sesuai dan mempunyai kedudukan kewangan yang kukuh, adalah wajar BR1M II diberikan pada tahun ini atau awal tahun depan. Setelah BR1M I dilaksanakan, apakah tidak ada kesan kepada ekonomi negara sedangkan seluruh dunia sedang menghadapi kemelesetan ekonomi terutamanya di Amerika Syarikat dan beberapa Negara EU."

[Menteri Kewangan]

9. PN-1252-U15028

Dato' Haji Abdul Rahman bin Bakar akan mencadangkan:-

"Bahawa Dewan ini mendesak pihak-pihak berwajib supaya meneliti dan mengambil tindakan sewajarnya ke atas kebanjiran pelarian dari Myanmar yang mungkin lama kelamaan akan menyekat hak rakyat yang sah dan menjelaskan hubungan baik antara Negara. Bukan suatu rahsia lagi bahawa ramai orang-orang Islam yang terbunuhan dan menjadi pelarian di Myanmar akibat pemerintahan junta sejak berpuluhan tahun lalu. Tidak kurang 1,500 orang Islam telah berhijrah ke negara-negara jiran termasuk Malaysia. Mereka hidup merempat dan tidak sempurna dan ada yang menjadi peminta sedekah demi untuk sesuap nasi. Ada juga yang bekerja dengan syarikat-syarikat swasta mengikut minat dan kemahiran masing-masing. Persoalannya, apakah tindakan pihak Kerajaan terhadap masalah ini kerana jika tidak dibendung akibatnya lama-kelamaan kita terpaksa pula melayan mereka sebagai warga negara kerana ada di kalangan mereka yang berkahwin dengan penduduk setempat. Selain itu, kita juga terpaksa bertimbang rasa terhadap anak-anak mereka yang dahagakan pelajaran. Kita terpaksa memberi ruang yang adil kepada anak-anak mereka kerana aspek pelajaran, kesihatan, agama dan perlindungan adalah sesuatu yang universal. Justeru, saya memohon pihak-pihak berwajib supaya meneliti dan mengambil tindakan sewajarnya agar ianya tidak menjelaskan hubungan baik antara negara dan di masa sama tidak menjelaskan peluang rakyat tempatan yang sah dan yang hak."

[Menteri di Jabatan Perdana Menteri]

10. PN-1252-U15004

Dr. S. Ramakrishnan akan mencadangkan:-

"Bahawa Dewan ini mendesak agar pihak Kerajaan menggubal Undang-undang Kebebasan Maklumat bagi membolehkan rakyat Malaysia menikmati hak untuk mendapatkan maklumat selaras dengan kehendak prinsip-prinsip demokrasi. Hak rakyat untuk mendapatkan maklumat adalah penting bagi membolehkan rakyat untuk memeriksa dan membendung penyalahgunaan kuasa oleh kakitangan Kerajaan dalam hal-hal pentadbiran Kerajaan terutamanya keputusan-keputusan Kerajaan yang mempunyai implikasi secara langsung dan tidak langsung terhadap rakyat jelata. Oleh itu saya mengambil kesempatan melalui mesyuarat Dewan Negara ini untuk menampilkkan usul penggubalan undang-undang bagi tujuan membolehkan rakyat Malaysia untuk mengambil bahagian dalam pentadbiran dan hal-hal Kerajaan terutamanya dalam proses membuat keputusan-keputusan sejajar dengan prinsip demokrasi (*participatory democracy*) dan kepentingan awam (*public interest*). Rakyat Malaysia mengalu-alukan satu Kerajaan yang telus dan bertanggung jawab maka penggubalan undang-undang ini adalah mustahak. Undang-undang ini akan memberikan akses kepada dokumen-dokumen sesebuah agensi Kerajaan dan dokumen-dokumen rasmi Kementerian Kerajaan. Maka disarankan supaya Kerajaan mengambil serius penggubalan undang-undang ini dan mengambil segala langkah-langkah untuk merealisasikan undang-undang ini di Malaysia yang mana undang-undang begini telah pun di perkenalkan di negara-negara Komanwel yang lain.

[Menteri di Jabatan Perdana Menteri]

11. PN-1252-U15005

Dr. S. Ramakrishnan akan mencadangkan:-

"Bahawa Dewan ini mendesak agar pihak Kerajaan prihatin dan memandang serius terhadap penyalahgunaan minuman alkohol dan minuman keras di kalangan masyarakat kita, terutama di kalangan remaja bermula dari usia 16 tahun yang amat dibimbangi ia akan membawa padah kepada masa depan negara jika kita tidak mengambil tindakan yang sewajarnya secepat mungkin. Oleh itu, saya mengambil kesempatan melalui mesyuarat Dewan Negara ini untuk menampilkkan usul penggubalan undang-undang untuk menangani penyalahgunaan alkohol dan minuman keras di kalangan masyarakat kita dengan mengambil langkah-langkah berikut:-

- (i) Mengubah dan meningkatkan umur seseorang untuk membeli minuman keras dan alkohol secara sah dari segi undang-undang dari 18 tahun ke 21 tahun. Hukuman berat dan denda yang maksimum juga harus dikenakan terhadap sesiapa sahaja yang di bawah umur 21 tahun jika mereka didapati membeli minuman alkohol dan minuman keras.
- (ii) Memperkenalkan sistem lesen baru yang mengawal waktu penjualan alkohol dan minuman keras. Contohnya seperti mengehadkan waktu penjualan dari 11.00 pagi sehingga pukul 9.00 malam.

- (iii) Mempunyai undang-undang untuk menangani masalah-masalah pengambilan minuman-minuman keras dan alkohol di tempat awam dan menjadikan pengambilan minuman ini di tempat awam sebagai satu jenayah di mana boleh ditangkap dan didakwa di bawah kanun undang-undang.
- (iv) Memperketatkan lagi kanun undang-undang yang mengawal penjualan alkohol dan minuman keras oleh peniaga-peniaga kepada remaja dan juga pelajar-pelajar di bawah umur. Contohnya, apabila mana-mana peniaga menjual alkohol dan minuman keras kepada pelajar-pelajar dan remaja di bawah umur, lesen kedai peniaga itu haruslah ditarik dan dibatalkan dan mengenakan denda yang maksimum terhadap peniaga tersebut.
- (v) Memperkenalkan undang-undang baru untuk pendaftaran dan mengawal penjualan minuman-minuman keras buatan tempatan. Contohnya seperti samsu dan ia mendapat sambutan baik di kalangan masyarakat berpendapatan rendah, terutamanya di kalangan masyarakat India yang tinggal di estet, kerana harga minuman ini adalah sangat murah dan mudah didapati di kawasan pedalaman secara haram.
- (vi) Menubuhkan satu pusat pencegahan, penyelidikan, dan pemulihan alkohol Malaysia seperti di Amerika Syarikat dan Australia untuk mengadakan penyelidikan dari semasa ke semasa."

[Menteri Perumahan dan Kerajaan Tempatan]

**RISALAT-RISALAT YANG DIBAWA KE DALAM MESYUARAT
(DEWAN NEGARA)**

<u>TAHUN 2012</u>	<u>RISALAT/DOKUMEN</u>	<u>TARIKH DIBENTANGKAN</u>
ST.38	Peraturan-Peraturan Pilihan Raya (Pendaftaran Pemilih) (Pindaan) 2012	12 Julai 2012
ST.39	Peraturan-Peraturan Pilihan Raya (Perjalanan Pilihan Raya) (Pindaan) (No.2) 2012	12 Julai 2012
ST.40	Peraturan-Peraturan Pilihan Raya (Pengundian Pos) (Pindaan) 2012	12 Julai 2012
ST.42	Peraturan-Peraturan Pilihan Raya (Pendaftaran Pemilih) (Pindaan) (No.2) 2012	12 Julai 2012
ST.43	Peraturan-Peraturan Pilihan Raya (Perjalanan Pilihan Raya) (Pindaan)(No.3) 2012	12 Julai 2012